



XALQ DEPUTATLARI PESHKU TUMAN KENGASHI QARORI

2022 - yil 30 - dekabr

VI-59-173-2-39-K/22

Peshku tumani hokimligi

Пешку туманининг 2023 йилги маҳаллий бюджетини тасдиқлаш тўғрисида

Ўзбекистон Республикаси “Маҳаллий давлат ҳокимияти тўғрисида”ги Қонунининг 6, 24-моддалари, Бюджет кодексининг 99-моддаси, “2023 йил учун Ўзбекистон Республикасининг Давлат бюджети тўғрисида”ги Қонунига мувофиқ ҳамда Халқ депутатлари Бухоро вилоят Кенгашининг 2022 йил 30 декабрдаги тегишли қарорини инобатга олиб, халқ депутатлари Пешку тумани Кенгаши

ҚАРОР ҚИЛДИ:

1. Ўзбекистон Республикасининг “2023 йил учун Ўзбекистон Республикасининг Давлат бюджети тўғрисида”ги Қонуни ижро ва раҳбарлик учун қабул қилинсин.

2. Ўзбекистон Республикасининг “2023 йил учун Ўзбекистон Республикасининг Давлат бюджети тўғрисида” Қонунига мувофиқ, Пешку тумани маҳаллий бюджетининг 2023 йил учун даромадлари 47 419,8 млн.сўм, харажатлари 194 832,2 млн. сўм прогноз қилинганлиги ҳамда республика бюджетидан ажратиладиган тартибга солувчи бюджетлараро трансфертлар 126 700,3 млн. сўм миқдорида тасдиқланганлиги маълумот учун қабул қилинсин.

3. 2023 йил учун Пешку туманини ривожлантиришнинг асосий макроиктисодий кўрсаткичлари прогнози ҳамда 2024-2025 йилларга мақсадли мўлжаллари **1-илова**га мувофиқ, 2023 йил учун туман маҳаллий

бюджети даромадлари прогнози **2-илова**га мувофиқ маълумот учун қабул қилинсин.

4. 2023 йил учун туман бюджетидан ҳудудий бюджет маблағларини тақсимловчиларга ажратиладиган маблағларнинг чекланган миқдорлари **3-илова**га мувофиқ тасдиқлансин.

5. 2023 йил учун туман бюджетига умумдавлат солиқларидан ажратмалар меъёрлари **4-илова**га мувофиқ тасдиқлансин.

6. 2023 йил учун туман маҳаллий бюджетининг даромадлари ва харажатларининг прогнози **5-илова**га мувофиқ маълумот учун қабул қилинсин.

7. 2023 йил учун вилоят бюджетидан туман маҳаллий бюджетига ажратиладиган тартибга солувчи бюджетлараро трансфертлар миқдорлари **6-илова**га мувофиқ тасдиқлансин.

Бунда, тартибга солувчи бюджетлараро трансфертлар миқдорини туман маҳаллий бюджетининг даромадлари прогнози ижросидан қатъий назар камайтиришга йўл қўйилмаслиги Қонунда белгилаб қўйилганлиги маълумот учун қабул қилинсин.

8. 2023 йил учун туман маҳаллий бюджетининг туман бюджетининг захира жамғармаси ҳажмлари **1 838,0 млн. сўм** миқдоридан белгилансин.

Туман бюджетининг 2023 йил учун захира жамғармаси тасдиқланган туман бюджетининг умумий харажатларининг камида 1,0 фоизи миқдоридан шакллантирилсин.

Пешку туман бюджетининг ижро этишда юқори турувчи бюджетдан ажратиладиган бюджетлараро трансфертларнинг прогнозидан ошган қисми учун тегишли бюджетларининг захира жамғармалар миқдорларига аниқлаштириш киритилмаслиги инобатга олинсин.

9. 2023 йил учун туман бюджетининг шахсий ғазна ҳисобварағида турган бюджет маблағларининг йўл қўйиладиган энг кам миқдори **7-илова**га мувофиқ белгилансин.

10. Ўзбекистон Республикасининг мазкур Қонуни билан 2023 йилда халқ депутатлари туман Кенгаши маҳаллий бюджетни бошқаришда, хусусан маҳаллий бюджет харажатларини ҳудудий бюджет маблағлари

тақсимловчилар кесимида тасдиқлаш ва уларнинг Кенгаш олдидаги ҳисобдорлигини белгилаш бўйича ваколатлари кенгайтирилганлиги инобатга олинсин.

Шунингдек, 2023 йилда қуйидаги солиқ турлари:

а) туман бюджетига тўлиқ ҳажмда ўтказилади:

жисмоний шахслардан олинадиган мол-мулк солиғи;

жисмоний шахслардан олинадиган ер солиғи;

жисмоний шахсларга тегишли мол-мулкни ижарага беришдан оладиган йиллик даромади тўғрисидаги декларацияга асосан тўлайдиган, шунингдек яқка тартибдаги тадбиркорлар тўлайдиган жисмоний шахслардан олинадиган даромад солиғи;

айланмадан олинадиган солиқ;

қонунчиликда белгиланган миқдорларда Ўзбекистон Республикасининг Давлат бюджетига ундириладиган бошқа йиғимлар (божхона органлари томонидан ундириладиган йиғимлардан, ғилдиракли транспорт воситалари, ўзиюрар машиналар ва уларнинг тиркамалари учун ундириладиган утилизация йиғимидан, шунингдек автотранспорт воситалари ойналарининг тусини ўзгартиришга (қорайтиришга) рухсатнома бериш учун тўловдан ташқари);

сув ресурсларидан фойдаланганлик учун солиқ, бундан электр станциялари томонидан тўланадиган солиқ мустасно;

айрим турдаги товарларнинг чакана савдосига доир ҳуқуқ учун йиғимлар;

қурилиш материаллари бўйича ер қаъридан фойдаланганлик учун солиқ;

Мобиль алоқа хизматлари учун акциз солиғи ва алкоголь махсулотлари, шу жумладан пиво учун акциз солиғидан тушумлар 2022 йил 1 июль ҳолатига кўра туман аҳолисининг вилоят аҳолисидаги улушига мувофиқ ҳисоб-китоб қилинсин.

б) Пешку туманининг туман бюджети даромадлари туман маҳаллий бюджетига тўлиқ ҳажмда ўтказилади:

юримдик шахсларнинг мол-мулкига солинадиган солиқ;

юримдик шахслардан олинадиган ер солиғи;

электр станциялари томонидан тўланадиган сув ресурсларидан фойдаланганлик учун солиқ;

бензинни, дизель ёқилғисини ва газни якуний истеъмолчиларга реализация қилишдаги акциз солиғи;

қонунчиликда белгиланган миқдорлардаги давлат божлари (патент божларидан ва лицензиялар берганлик учун давлат божларидан ташқари);

қонунчиликда белгиланган миқдорларда Ўзбекистон Республикасининг Давлат бюджетига ундириладиган жарималар;

қонунчиликда белгиланган миқдорларда давлат даромадига ўтказилган мол-мулкни реализация қилишдан тушган тушумлар, маҳаллий давлат ҳокимияти органларининг улуши бўйича дивидендлар (даромадлар) ва ажратмалар;

давлат активларини жойлаштиришдан, фойдаланишга (ижарага) беришдан ва сотишдан қонунчиликда белгиланган нормативлар бўйича олинган даромадлар;

хусусийлаштиришдан тушган тушумлар ва бошқа солиқлар.

в) жисмоний шахслардан олинадиган даромад солиғи вилоят бюджети ҳамда туманлар ва шаҳарлар бюджетлари ўртасида тақсимланади.

11. Ўзбекистон Республикаси Президентининг “Жамоатчилик фикри асосида шакллантириладиган лойиҳаларни молиялаштириш кўламини кенгайтириш чора-тадбирлари тўғрисида” 2022 йил 25 октябрдаги ПҚ-409-сон қарорига асосан 2023 молия йилидан бошлаб:

а) “Обод қишлоқ” ва “Обод маҳалла” дастурлари доирасида молиялаштириладиган тадбирлар жамоатчилик фикри асосида “Очиқ бюджет” ахборот портали орқали овоз бериш йўли билан аниқланади.

Бунда, аҳоли томонидан амалга оширилиши тақлиф этилаётган тадбирлар ҳар бир маҳалла бўйича битта лойиҳалар пакети шаклида овозга қўйилиши;

б) Қорақалпоғистон Республикаси республика бюджети, вилоятларнинг

вилоят бюджетлари ва Тошкент шаҳрининг шаҳар бюджетида шаклланган қўшимча маблағларнинг 30 фоизи туман (шаҳар)ларда жамоатчилик фикри асосида шакллантирилган тадбирларни молиялаштириш учун туман (шаҳар)лар Фуқаролар ташаббуси жамғармаларига мавжуд аҳоли сони ва маҳаллалар сонидан келиб чиқиб, тенг улушларда йўналтирилиши;

в) ташаббусли бюджетлаштириш жараёнлари учун туман (шаҳар) бюджетларининг 5 фоизи миқдорида, бироқ камида 6 миллиард сўм маблағ режалаштирилиши белгиланганлиги;

г) “Обод қишлоқ” ва “Обод маҳалла” дастурларини жамоатчилик фикри асосида ташаббусли бюджетлаштириш жараёнлари орқали амалга оширилишининг янги тартиби ишлаб чиқилиши маълумот учун қабул қилинсин.

12. Туман ҳокимининг молия – иқтисодиёт ва камбағалликни қисқартириш масалалари бўйича биринчи ўринбосари, иқтисодий тараққиёт ва камбағалликни қисқартириш бўлими, туман ҳокимлиги молия бўлими (У.Раҳматов), туман Давлат солиқ инспекцияси (М.Равшанов) туман ҳокимлиги ва масъул ташкилотлар билан биргаликда:

тегишли бюджетларни биринчи навбатда иш ҳақи ва унга тенглаштирилган тўловлар, озиқ-овқат ва дори-дармон ва коммунал хизматлар харажатларининг режалаштирилишини назарда тутган ҳолда шакллантириш;

маҳаллий бюджет прогноз кўрсаткичларни ўз вақтида ва самарали бажариш;

бюджет маблағларидан мақсадли ва самарали фойдаланиш;

бюджет интизомига риоя этилиши устидан назорат ва масъулиятни янада кучайтириш;

тегишли маҳаллий бюджетларга солиқлар ва бошқа мажбурий тўловларнинг тўлиқ тушумини таъминлаш;

бюджет даромадлар базасини ошириш ва қўшимча резервларни аниқлаш зарурлигига алоҳида эътибор қаратсин.

13. Туман давлат солиқ инспекцияси (М.Равшанов) туман давлат солиқ инспекцияси ходимлари билан биргаликда Ўзбекистон Республикаси Солиқ

кодексида белгиланган ваколатларидан келиб чиқиб:

солиқларнинг тўлиқ ва тўғри ҳисобланишини ҳамда ушбу солиқларни ўз вақтида бюджетга ундирилиши устидан солиқ назоратини кучайтириш;

ер солиғи, сув ресурсларидан фойдаланганлик учун солиқ ва мол-мулк солиқлари бўйича доимий таҳлиллар ўтказган ҳолда, солиқларни тўлиқ ҳисобланишини таъминлаш ҳамда ушбу солиқ тўловлари бўйича солиқ қарздорлигига йўл қўймаслик чораларини кўриш;

айланмадан солиқ тури бўйича солиқ тўловчилар томонидан нақд пул айланмаларининг солиқ ҳисоботларида тўлиқ акс этирилиши устидан доимий солиқ назоратини ўрнатиш ҳамда зарур ҳолларда хронометраж ва камерал солиқ назорати тадбирларини ўтказиш;

Бунда, мазкур йўналишда жамоатчилик назоратини кучайтириш мақсадида фуқароларга харид чекини талаб қилиб олишни тарғиб этувчи ижтимоий роликлар ҳамда видео материаллар тайёрлаб, ижтимоий тармоқлар ва оммавий ахборот воситаларида кенг тарғибот-ташвиқот ишларини олиб боришга алоҳида эътибор қаратиш;

хатлов ишларини самарали ташкил этиш орқали ер ва мол-мулк солиғининг солиқ базасини ошириш;

Кадастр агентлиги туман бўлими (Ф.Ҳамроев) билан биргаликда туманда мавжуд солиқ тўловчиларнинг мол-мулклари майдонларини чуқур таҳлил этган ҳолда ушбу мол-мулкларга нисбатан солиқларни тўлиқ ҳисобланишини таъминласин.

14. Туман давлат солиқ инспекцияси (М.Равшанов), Кон-геология фаолиятини назорат қилиш минтақавий инспекцияси ҳамда туман ҳокимлиги билан биргаликда:

норуда қурилиш материалларини қазиб олиш соҳасида ноқонуний фаолият олиб бораётган карьерларни аниқлаш бўйича хатловлар ўтказиш;

хатлов натижалари бўйича аниқланган ноқонуний фаолият олиб бораётган карьерлар фаолиятини қонунийлаштириш ҳамда уларни солиқ базасига қамраб олиш;

норуда қурилиш материалларини қазиб олиш соҳасида фаолият олиб бораётган карьерлар томонидан қазиб олинаётган норуда қурилиш

материаллар ҳажмининг солиқ ҳисоботларида тўлиқ акс эттирилиши устидан доимий назорат ўрнатсин.

Бунда, ушбу соҳада фаолият олиб бораётган карьерларнинг қазиб олиш ҳажмларини доимий таҳлил қилиб бориш ҳамда зарур ҳолларда қазиб олиш ҳажмларини аниқлашда маҳаллий бюджетнинг қўшимча манбалари ҳисобидан “маркшейдерлик” хизматларидан фойдаланиш лозимлиги алоҳида белгилаб қўйилсин.

15. Мажбурий ижро бюроси туман бўлими (О.Иззатуллаев), туман давлат солиқ инспекцияси (М.Равшанов) билан ҳамкорликда солиқлар ва бошқа мажбурий тўловлар бўйича мавжуд солиқ қарздорликларини бюджетга ундириш юзасидан тегишли чоралар кўриб борсин ҳамда чораклар якуни билан солиқ қарздорликларининг чорак бошига нисбатан камайиб бориши бўйича барча комплекс чора-тадбирлар кўриб боришни таъминласин.

16. Туман ҳокимининг молия – иқтисодиёт ва камбағалликни қисқартириш масалалари бўйича биринчи ўринбосари (О.Эргашев), ҳоким ёрдамчилари ва туман маҳаллабай ишлаш маркази (Р.Эргашев) билан биргаликда:

бўш турган давлат мулки объектларини аниқлаш бўйича хатлов ишларини самарали ташкил этиш;

хатлов натижаларига кўра туманда мавжуд бўш турган давлат мулки объектлари рўйхатини шакллантириш;

шакллантирилган рўйхатга асосан бўш турган давлат мулки объектларини ижарага бериш ёки сотиш бўйича тегишли таклифлар тайёрлаш;

бўш турган давлат мулки объектларини ижарага бериш ёки сотиш бўйича ижтимоий тармоқлар ва оммавий ахборот воситаларида роликлар ва видео-материаллар тайёрлаш;

хусусийлаштирилиши мўлжалланган бўш турган давлат мулки объектларини «e-ijro aukcion» майдончаси орқали сотиш ишларини ташкиллаштирасин.

17. Туман ҳокимининг молия – иқтисодиёт ва камбағалликни қисқартириш масалалари бўйича биринчи ўринбосари (О.Эргашев), ҳоким

ёрдамчилари ва туман маҳаллабай ишлаш маркази (Р.Эргашев), туман давлат солиқ инспекцияси (М.Равшанов), туман молия бўлими (У.Раҳматов) давлат корхоналари ҳамда устав капиталида 50 фоиз ва ундан ортиқ давлат улуши мавжуд бўлган юридик шахслар томонидан 2023 йилнинг 1 июлига қадар 2022 йил якунлари бўйича ўз соф фойдасининг 50 фоизидан кам бўлмаган миқдордаги ажратмалар ва давлат улуши бўйича дивидендларни 2023 йилнинг 1 сентябридан кечиктирмай тегишли даражадаги бюджетларга ўтказилишини таъминласин.

18. Туман ҳокимининг молия – иқтисодиёт ва камбағалликни қисқартириш масалалари бўйича биринчи ўринбосари (О.Эргашев), ҳоким ёрдамчилари ва туман маҳаллабай ишлаш маркази (Р.Эргашев), туман давлат солиқ инспекцияси (М.Равшанов) билан биргаликда ташқи реклама объектларини тўлиқ хатловдан ўтказган ҳолда, ушбу ташқи реклама объектлари бўйича шартномалар тузиш чораларини кўрсин ҳамда ушбу шартномалар бўйича йиғимларни бюджетга тўланиши устидан доимий назорат ўрнатсин.

19. Туман ирригация бўлими (Ҳ.Дасёров) ва туман давлат солиқ инспекцияси (М.Равшанов) туман ҳокимлиги билан биргаликда туманда суғоришга сарфланаётган сув ҳажмлари бўйича аниқ ҳисоб-китоблар юритган ҳолда мазкур истеъмол ҳажмлари бўйича сув ресурсларидан фойдаланганлик учун солиқларни тўлиқ ҳисобланишини ҳамда молия йили якунига қадар маҳаллий бюджетга тўлиқ ундириб олиш чораларини кўрсин.

Бунда, қишоқ хўжалиги корхоналари томонидан истеъмол қилинаётган сув ресурслари ҳажмлари ва ушбу ҳажмлар бўйича ҳисобланаётган сув солиқлари бўйича доимий таҳлиллар ўтказишга алоҳида эътибор қаратилсин.

20. Туман ички ишлар бўлими (А.Носиров), туман йўл ҳаракати хавфсизлиги бўлими (З.Бозоров), мажбурий ижро бюроси туман бўлими (О.Иззатуллаев), Давлат хизматлари агентлиги туман бўлими (О.Ҳасанов) ҳисобланган бож, жарима ва йиғимларни ўз вақтида ўрнатилган тартибда бюджетга ундириш чораларини кўриб борсин.

21. Туман ҳокимлиги молия бўлими халқ таълими, мактабгача таълим ва соғлиқни сақлаш муассасалари билан биргаликда:

бюджет интизомига қатъий риоя этилиши устидан доимий мониторинг ишлари кучайтириш;

ўтказилган назорат тадбирлари якуни бўйича камомад ва ноқонуний ўзлаштиришга йўл қўйган соҳа раҳбарларининг ҳисоботи хар чоракда эшитиб боришни таъминласин.

22. Халқ депутатлари туман Кенгашининг маҳаллий бюджет, иқтисодий ислоҳотларни амалга ошириш, инвестициялар ва тадбиркорликни ривожлантириш масалалари бўйича доимий комиссиясига:

маҳаллий бюджетнинг қўшимча манбаларидан фойдаланиш тўғрисидаги ҳокимлик томонидан тақдим этиладиган таклифларини белгиланган муддатларда жамоатчилик муҳокамасидан ўтказиш ва бюджет қонунчилигига тўлиқ риоя этилган ҳолда Кенгаш қарор лойиҳасини ишлаб чиқиш;

Кенгаш қарори асосида маҳаллий бюджетнинг қўшимча манбалари ҳисобидан ажратилган маблағларни самарали ва мақсадли фойдаланиши устидан назорат ўрнатиш, тавсиялар бериш ва мониторинг қилиш;

маҳаллий бюджет харажатларининг қонунчиликда белгиланган қисмининг жамоатчилик фикри асосида шакллантирилган тадбирларни молиялаштиришга йўналтирилишида иштирок этиш ва ушбу маблағларнинг мақсадли сарфланиши устидан назоратни амалга ошириш вазифаси топширилсин.

23. Туман ҳокимининг молия – иқтисодиёт ва камбағалликни қисқартириш масалалари бўйича биринчи ўринбосари (О.Эргашев)га:

туман бюджети жами харажатининг 5 фоизи ҳамда шаклланган қўшимча маблағларининг камида 30 фоизини жамоатчилик фикри асосида шакллантириладиган тадбирларни молиялаштириш учун “Фуқаролар ташаббуси жамғармаси”га йўналтиришни;

бунда, халқ депутатлари туман Кенгаши, ёшлар ишлар агентлиги, туман ҳокимлиги ҳузуридаги жамоатчилик Кенгаши ҳамда ҳоким ёрдамчилари бюджет жараёнида фуқароларнинг фаол иштирокини таъминлаш мақсадида аҳолига кенг тарғибот-ташвиқот ишларини олиб боришни тавсия этиш;

маҳаллий бюджетнинг қўшимча манбалари ҳисобидан харид қилинган товарлар ва хизматлар, қурилиш, реконструкция қилиш ва таъмирлаш ишлари олиб борилаётган объектлар рўйхати, шунингдек қурилиш-

таъмирлаш ишларининг молиялаштирилиши тўғрисидаги маълумотлар ҳар чорак яқунларига кўра, кейинги чорак биринчи ойининг 10 санасига қадар мажбурий тартибда туман ҳокимлиги расмий веб-сайтларига жойлаштириб бориш топширилсин.

24. Туман ҳокимининг молия – иқтисодиёт ва камбағалликни қисқартириш масалалари бўйича биринчи ўринбосари, иқтисодий тараққиёт ва камбағалликни қисқартириш бўлими ва тегишли ташкилотлар билан биргаликда:

маҳаллий бюджет даромад ва харажатларининг прогноз кўрсаткичлари бажарилиши ҳамда солиқ базасини кенгайтириш юзасидан кўрилган чора-тадбирлар;

ажратилган бюджет маблағларидан мақсадли ва самарали фойдаланиши юзасидан эришилган натижалар бўйича халқ депутатлари туман Кенгашига чоракда камида бир маротаба ҳисобот киритиб борсин.

25. Мазкур қарор “Пешку овози” газетасида расмий эълон қилинсин ҳамда туман ҳокимлигининг расмий веб-сайтига жойлаштирилсин.

26. Ушбу қарор расмий эълон қилинган кундан бошлаб кучга киради.

27. Мазкур қарорнинг бажарилишини назорат қилиш халқ депутатлари туман Кенгашининг маҳаллий бюджет, иқтисодий ислоҳотларни амалга ошириш, инвестициялар ва тадбиркорликни ривожлантириш масалалари бўйича доимий комиссияси зиммасига юклансин.

Туман ҳокими



В.Каххоров

Xalq deputatlari Peshku tuman
Kengashining
2022 yil 30 dekabrda
VI-59-173-2-39-K/22-son qaroriga
1-ilova

**Пешку тумани 2023 йилга ривожлантиришнинг макроиктисодий кўрсаткичлари
прогноз кўрсаткичлари ҳамда 2024-2025 йилга мўлжаллари**

№	Кўрсаткичлар	2023 йил учун прогноз	Мўлжал	
			2024 йил	2025 йил
1.	Саноат маҳсулотларининг ўсиш суръати, фоизда	109,2	110,7	114,3
2.	Қишлоқ, ўрмон ва балиқ хўжаликларида ишлаб чиқаришнинг ўсиш суръати, фоизда	103,4	104,2	104,6
3.	Чакана товар айланмасининг ўсиш суръати, фоизда	109,6	110,0	110,7

Xalq deputatlari Peshku tuman
Kengashining
2022 yil 30 dekabrda
VI-59-173-2-39-K/22-son qaroriga
2-ilova

**Пешку туман маҳаллий бюджети даромадларининг
2023 йилдаги асосий прогноз кўрсаткичлари**

млн.сўмда

T/P	Даромад турлари	Жами	1	Юридик шахслардан олинадиган фойда солиғи	0,0
2	Айланмадан олинадиган солиқ	7 447,0			
3	Жисмоний шахслардан олинадиган даромад солиғи	13 753,8			
4	Тадбиркорлик фаолияти билан шуғулланувчи юридик ва жисмоний шахслардан олинадиган катъий белгиланган даромад солиғи	868,0			
5	Кўшилган қиймат солиғи	0,0			
6	Акциз солиғи, жами	0,0			
	<i>шу жумладан:</i>	0,0			
	<i>- бензин, дизел ёқилғиси ва газ реализациясидан солиқ</i>	0,0			
7	Юридик шахсларнинг мол-мулкига солинадиган солиқ	430,5			
8	Жисмоний шахсларнинг мол-мулкига солинадиган солиқ	4 936,0			
9	Юридик шахслар ер солиғи	5 326,5			
10	Жисмоний шахслардан олинадиган ер солиғи	10 462,0			
11	Ер қаъридан фойдаланганлик учун солиқ (норуда материаллари)	1 527,0			
12	Сув ресурсларидан фойдаланганлик учун солиқ	2 555,0			
13	Давлат божи	0,0			
14	Жарималар	0,0			
15	Ижара тўлови	114,0			
16	Давлат ташкилотларининг соф фойдасидан даромад	0,0			
17	Йиғимлар	0,0			
18	Хусусийлаштириш	0,0			
19	Бошқалар	0,0			
	ЖАМИ	47 419,8			
20	Ўтказиб бериладиган даромад	20 712,1			
21	Тартибга солувчи бюджетларaro трансфертлар	126 700,3			
	ҲАММАСИ	194 832,2			

Xalq deputatlari Peshku tuman
Kengashining
2022 yil 30 dekabrda
VI-59-173-2-39-K/22-son qaroriga
3-ilova

2023 йил учун Пешку тумани бюджетидан ҳудудий бюджет маблағларини тақсимловчиларга ажратиладиган маблағларнинг чекланган миқдорлари

млн.сўмда

№	Кўрсаткичлар	Миқдори
Харажатлар миқдори, Жами		194 832,2
	<i>шу жумладан:</i>	
	жорий харажатлар	68 131,9
	Туман ва шаҳар маҳаллий бюджетларига трансфертлар	126 700,3
1.	туман мактабгача таълим бўлими	20 011,2
	<i>шу жумладан:</i>	
	жорий харажатлар	20 011,2
2.	Туман халқ таълими бўлими	8 249,4
	<i>шу жумладан:</i>	
	жорий харажатлар	8 249,4
4.	Туман соғлиқни сақлаш	57 525,3
	<i>шу жумладан:</i>	
	жорий харажатлар	57 525,3
5.	Туман маданият бўлими	7 033,5
	<i>шу жумладан:</i>	
	жорий харажатлар	7 033,5
6.	Туман спорт мактаблари	7 368,6
	<i>шу жумладан:</i>	
	жорий харажатлар	7 368,6
9.	Туман қишлоқ хўжалиги бўлими	1 278,0
	<i>шу жумладан:</i>	
	жорий харажатлар	1 278,0
10.	Туман ирригация бўлими	2 232,6
	<i>шу жумладан:</i>	
	жорий харажатлар	2 232,6
11.	Туман молия бўлими	129 263,2
	<i>шу жумладан:</i>	
	жорий харажатлар	1 559,4
	Туман ва шаҳар маҳаллий бюджетларига трансфертлар	126 700,3
12.	Туман ветеринария ва чорвачиликни ривожлантириш бўлими	2 249,5
	<i>шу жумладан:</i>	
	жорий харажатлар	2 249,5

13.	Туман аҳоли бандлигига кўмаклашиш маркази	787,2
	<i>шу жумладан:</i>	
	жорий харажатлар	787,2
14.	Туман ҳокимлиги	76 266,8
	<i>шу жумладан:</i>	
	жорий харажатлар	76 266,8
15.	Туман маҳалла ва оилаларни қўллаб-қувватлаш бўлими	3 265,4
	<i>шу жумладан:</i>	
	жорий харажатлар	3 265,4
16.	Ёшлар ишлари агентлиги Пешку Туман бўлими	3 762,2
	<i>шу жумладан:</i>	
	жорий харажатлар	3 762,2
17.	Туман Халқ қабулхонаси	522,6
	<i>шу жумладан:</i>	
	жорий харажатлар	522,6
18.	Халқ депутатлари Туман Кенгаш котибияти	290,3
	<i>шу жумладан:</i>	
	жорий харажатлар	290,3
19.	Пешку тумани хотин-қизлар бўлими	2 430,0
	<i>шу жумладан:</i>	
	жорий харажатлар	2 430,0

Xalq deputatlari Peshku tuman Kengashining
2022 yil 30 dekabrda
VI-59-173-2-39-K/22-son qaroriga
4-ilova

.....

.....

.....

.....

.....

Xalq deputatlari Peshku tuman
Kengashining
2022 yil 30 dekabrda
VI-59-173-2-39-K/22-son qaroriga
5-ilova

**Пешку тумани маҳаллий бюджетининг
2023 йил даромадлари ва харажатларининг чегаравий ҳажми**

млн.сўмда

Бюджетлар номи	Даромад *	Харажат
ЖАМИ	68 131,9	194 832,2
Пешку тумани	68 131,9	194 832,2

** мобил алоқа хизматлари учун акциз солиғи ва алкоголь маҳсулотлари, шу жумладан пиво учун акциз солигидан тушумлар бўйича ўтказиб бериладиган даромадлар билан биргаликда.*

Xalq deputatlari Peshku tuman
Kengashining
2022 yil 30 dekabrda
VI-59-173-2-39-K/22-son qaroriga
6-ilova

**Пешку тумани маҳаллий бюджетининг 2023 йилги юқори бюджетдан
ажратиладиган тартибга солувчи бюджетлараро трансфертлар
миқдорлари**

млн.сўмда

Шаҳар ва туманлар	Тартибга солувчи трансферт миқдори
ЖАМИ	126 700,3
<i>шундан</i>	
Пешку тумани	126 700,3

Xalq deputatlari Peshku tuman
Kengashining
2022 yil 30 dekabrda
VI-59-173-2-39-K/22-son qaroriga
7-ilova

**Пешку тумани маҳаллий бюджетида
2023 йилда йўл қўйиладиган энг кам маблағлар миқдори**

млн.сўмда

Т/р	Худуд номи	Миқдор
1	Пешку тумани	1 028,0